

lapidescentes fontes quibuscunque membris sunt salubres, iuxta mentem Kircheri & aliorum.

Applicatio signorum specialium bonitatis ad fontem nostrum.

§. 18. Signa bonitatis, sive naturalis salubritatis & virtutis medicatæ fontis nostri specialissima, sub §. 15. prehensa, si perscrutamur, ad intimiorem fontis cognitionem, singulares proprietates, salubritatem & vim medicam, si quæ inest, pervenimus, & sequentibus notantur experimentis.

*Experiment. I.*

Coctione huius fontis cibi facile præparantur, unde & ventriculi digestionem non gravat, neque impedit, neque debilitat, sed potius roborat.

*Experiment. II.*

Aqua fontana nostra, si coquitur, non fervet leviter, tanquam aqua simplex, absque spiritu minerali, sed ebullit cum fragore & tumultu, facile vasa frangit vitrea, parietibus vitri in coctione salino-nitrosos martiales relinquit circulos, unde spiritum gerit occultatum nitroso-salinum cum sulphure quodam martiali.

*Experiment. III.*

Post fontis evaporationem nihil limi, neque terræ coagulatur, sed pingve quid, nitrosum, flavum, sulphureum, subtilissimi saporis, unde occulte & intimius fovet nitrosum sal cum sulphure martiali.

*Experiment. IV.*

In destillatione cum fragore & tumultu fons nostrus

ster